

「國家社會科學基金重大項目」

何建明

主編

中國地方志
佛道教文獻匯纂

寺觀卷

(101)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明

主編

中國地方志
佛道教文獻匯纂

寺觀卷

（101）



國家圖書館出版社


中國地方志佛道教文獻匯纂·寺觀卷

江蘇省 蘇州市


黃 埭 志

朱福熙修 程錦熙纂


民國十一年（一九二二）蘇州振新書社石印本



黃





球



鎮

風



景

寺廟 菴堂附

漢書第五倫傳曰因僧徒倡法於羣山而人尚
佛黃埭推興國寺最古及有功於斯土者往往
列廟而祭於社故以次編錄菴堂附焉

興國教寺在黃埭十一都

按同治府志云吳赤烏四年郡人葉氏夢僧求一錫

地遂捨宅建唐大中三年重修宋治興六年重修
元季燬明洪武永樂間相繼重建清康熙元年復
修至咸豐十年經兵燹復燬同治初僧德祥慨然
以重興自任歷二十餘年始竣厥功（重修黃埭興
國寺記）距望齊門一舍有鎮曰黃埭相傳楚黃歇
所築因以為名焉鎮西有興國寺本出郡人葉姓

黃

埭

志

卷二

寺廟

一 蘇州振新書社代印

黃

城

志

卷二

一

捨宅建自吳主赤烏四年迄今千數百年經興廢者屢矣自遭庚申之劫殿宇傾圮佛像摧殘不復有游人膜拜之迹同治有東南院上人德祥者傳禪燈智慧具佛子心腸覩此荒涼慨然以重興自任僧眾不知者咸擲揄之蓋寺中僅有香火田一區（計食田四畝五分）糜粥且不給而上人不為回惑矢心募化歷二十餘寒暑不替不但佛像殿庭以及庖湍牆門漸復舊觀即曠基隙地或價買以架屋或沿屋而樹藝（計價買西北院餘地一畝四分七釐八毫又於大殿前後山門內外添蓋平屋二十一間補種菜榆松柏三百餘株）香界經營不遺餘力遂使琳宮再煥偕梵剎以增輝實相重新隨法輪而常轉瞻斯寺者無不訝先後之異讚上人之功不去口而上人曰是非老衲之功皆諸居士護法之功也居士為誰本鎮吳慶亭吳仁夫朱研香朱星軒王蓉齋毛樸齋是也瑤雖

非鎮人知上人最深故不嫌僭筆爰述斯寺重修
 顛末而記之時光緒十一年歲次乙酉長洲陳璐
 記於埭川寓廬吳縣佛弟子程桐謹書（又記）埭
 川太平興國禪寺係吳主權赤烏四年勅建歷今
 二千餘年幾經興廢自咸豐十年遭粵匪亂大殿
 諸佛聖像均屬傾頽暨偏殿火神雷祖等像及一
 切裝摺亦均被燬寺僧德祥目覩傷心矢志興復
 遂於同治三年經本鎮護法吳仁夫吳慶亭朱研
 香朱星軒王蓉齋毛樸齋等公議東南院德祥於
 二月中接管大殿並火神雷祖殿等處德祥不辭
 辛勤虔募諸大護法既助囊金重新大殿修理火
 神雷祖各殿合寺佛像裝金開光靈相佛之法輪
 自是略轉惟緣常住缺乏恆產但有收租四畝五
 分以故僧人難以供奉嗣後德祥克苦勤心謹慎
 維持栽種樹木二百餘株重濬寺浜河又得西北
 院隙地一畝四分七釐八毫新築四週圍牆建造

山門口市房四間復於大殿後東西廊下建平屋
十餘間並廚房茶房等所及一切需用物件又於
光緒七年八月間稟請縣憲給示添造寺內東西
平屋六間十一年秋德祥又出香大資重修山門
屋面煥然一新殊增佛家光彩自同治三年始至
光緒十二年計閱二十三寒暑方遂夙願深感佛
佑竊思正殿素無恆產又乏常供因此無僧常管
今則略為置辦稍有生息俾其佛門種子常住香
火則德祥之功豈淺鮮哉是為記時光緒
十二年杏月佛弟子顧大經撰周國咸書

覺林教寺在黃埭東北距城三十里

按同治府志云唐廣明元年陳

坦捨宅建初為義安寺僧真應請開山朱梁開平
元年改永安宋大觀四年賜今額元季燬攷尤氏
家乘載宋尤文獻公輝致政時見寺傾圮擴而新
之其後輝子著為之記江陰顏大參澤撰寺碑明

洪武中重建又攷前志云寺有清遠軒樓澄記姚
少師道衍曾居茲寺故常住田畝皆免稅清順治
十一年重修山門康熙十一年建大悲閣其旁有
陳武烈帝廟祀隋陳泉仁明洪武中樓澄記有嘉
靖庚申陸文化
重修殿廡記

真如菴在十一都內宋咸淳間僧以益建

真如菴

卷二

寺廟

寺廟

四

蘇州振新書社代印

慶慈菴在七都內宋皇慶間僧永福建

普濟菴在十一都內宋紹興間僧本一建

餘濟菴在黃埭十一都下六圖為顧氏家菴供奉觀

音大士

覺池菴在十二都內宋景定間僧愚山建

原明菴在黃埭西鄉宋僧原明建

按明萬厯中賜額明泰禪寺

慈雲菴在黃埭陸家橋

銷金菴在黃埭銷金塘

按此菴房六間冥庫兩座每屈城隍賽會解餉至此焚化

中國地方志佛道教文獻匯纂·寺觀卷
江蘇省 蘇州市

齊谿小志

李楚石纂修

民國十五年（一九二六）

鉛印本

寺觀

無量壽寺在齊門外唐時建宋敕重新明洪武初選十高僧本寺東白曉得與焉 馮志原案百城烟水有無量壽院後附姚廣孝贈東白詩則卽此寺可知前志寺院並列疑有誤姑蘇志云有僧餘澤記百城烟水云無量壽寺距齊門城北一里宋熙寧間爲法主淨梵講訓之所其地東西廣一百二十步南北二百步古殿嵯峨迴廊繚繞初併北禪正統辛酉釋普信請得今額開山門建天王殿增廣垣宇戊辰孟夏立石里紳卓禮撰碑記正德己卯昇曉窗石刻饒冢宰詩都穆爲跋崇禎間天台教素純法師與其子天成禪師曾駐錫焉素純遇亂被害天成以事移苕之金蓋山康熙己酉夏延江南牧老人嗣新安程氏可生慈禪師開法壬子起大悲殿庚申修大殿乙丑夏師示寂將闕維建塔於寺後孟侍講亮授爲跨銘慈庵相禪師繼之

白蓮教寺在齊門外六里陸墓鎮吳赤烏間建後毀僧洪雲重建明洪武三年

重修弘治間圯而復完吳寬記清順治十三年重建大殿康熙二十六年建天

王殿

馮志

華嚴庵在白蓮教寺東古巷明萬曆初建韓世能記清康熙癸丑昱禪師擴地

重建

馮志

平田禪院在陸墓寺有文徵明書正行千文及赤壁賦石刻

馮志金石門

悟真道院在齊門外宋何蓑衣真人退修之所有墓在院東明洪武初葉道元
修輯天順壬午道士童守初重修崇禎初鈕道祿又修清康熙間道士田洪科
里人歐陽綱等恢擴舊址募建眞武殿玉皇閣

馮志

明吳寬清彭定求均有碑

記今存

西資庵在下塘大海堂橋堍明高攀龍有記碑存

深棲庵在東匯虹橋北

普濟庵在東匯安齊王廟東

白雲庵在大街燒人衙底
長壽庵家在王橋浜

中國地方志佛道教文獻匯纂·寺觀卷
江蘇省 蘇州市

相城小志

陶惟砥修 施兆麟纂

民國十九年（一九三〇）上藝齋木活字本

